

# Harry Potter



# sammillugu



### Ilinniartitsisumut

Harry Potter sammineqarnera ilissi ilinniartitsisutut aalajangersinnaavarsi qanoq ingerlakkusunnerlugu, qanorlu sivilisutigisumik ingerlakkusunnerlugu. Apeqqutaammammi atuartitsissutit akimorlugit samminiarterissi iml. fagini kalaallisut – qallunaatullu kisiat samminiarterissi. Taamaassappat naatsorsuutigisariaqassaaq sap.ak. marluk sammineqarsinnaasoq.

Fagillu akimorlugit samminiaraanni ataavartumik ingerlanneqarsinnaavoq sap. ak. ataaseq.

Sammisami uani “atuakkanik” piginnaasatigut inuttullu ineriartorneq attorneqarput.

Pingaarpurlo meeqqat takorluuisinnaanerup (fantasi) silarsuaanut pulatinneqarnissaat qanorlu taanna ineriartortinneqarsinnaanersoq takussutissartaqalerlunilu.

Harry Potter sammineqarnerani aammattaaq pulaffigineqassaaq kammalaatigiinneq.

Atuaqatigiilluni pingaaruteqarpoq atuaqatigiit sapinngisamik kammalaatigiillutik atuaqatigiinnissaat – tamannami kingunerigajuttarmagu atuarnerup nuannernerulerneranik – kajuminnarnerulerneranik – ilikkarusussutisimut annertusitsisarmat – atuaqatigiinnilu toqqissisimanerusumik silaannaqalersitsisarmat.

Sammisami aamma meeqqat akisussaaqataanerat pingaartuuvoq, soorlu meeqqat atortukunik katersineri – suleqatigiinneq qanoq angusaqarfiusinnaava il.il.

Silarsuup tupinnartup sananeqarnissaanut takussutissami ( skema) takusinnaavarsi qanoq iliortoqarsinnaasoq, atortussat, suleriaatsit il.il – siunnersuutaannaappulli.

Sulilluarisi nuannisarisi



## Angajoqqaanut ilisimatitsissut - Harry Potterip silarsuaa pillugu

### Harry Potter skiimami

Piffissaq qaninnerusoq atuartitsineq Harry Potterip silarsuaa tupinnartooq sammineqassaaq.

Aallaaviginiarpaput atuagaq “ Harry Potter ujaqqallu ilisimatuut” , tassanilu samminiartutigu uumasut tupinnartut, eliksirimik sananeq tupinnartunillu sunniuteqarsinnaasunik niunnerneq.

Annertungaatsiartumillu apeqqutit aamma makku samminiarpavut:

Ikinngutaalluortoq sunaava? Suna misilikkusullugu takorloortarpaput? Ullutsinni ilisimasaqarneq sunaava?.....apeqqutillu allarpasuit inuunermut tunngasut.

Suliat aqutigalugit meeqqat piginnaasaat ineriartortinniarpavut isummernissamullu kaammattorniarlugit, aammattaaq inuiaqatigiinnut akulerussimaneq sammineqassaaq.

### Harry Potter aamma oqaluttualiaq najoqqutaralugu atuartitsineq (Storyline-metoden).

Harry Potter sammineqarnerani atuartitseriaaseq atorniagarput taaguuteqarpoq “Oqaluttualiaq malillugu atuartitsineq” – (Storyline). Storyline-p isumavia tassaavoq meeqqat silarsuaq takorluugaq iserfigissammassuk peqataanermikkut. Piffik (sumiiffik) sanaqataaffigissavaat aammalu inuit atortullu oqaluttualiamiittut “pinngortillugit”.

Oqaluttualiaq malillugu atuartitsineq suleriaaseq tassaavoq atuartitsissutit akimorlugit sulineq, atuartorlu nammineq ilisimasaqarnini paasiniaaninilu aallavigalugu iliuuseqassaaq ilinniutigalugulu ilikkagaqarfigalugu.

Oqaluttuami pisimasut arlaqarpaput meeqqanut toqqaaffiusussanik, toqqaanertillu tunngavilertussaallugu/isummerfigisussaallugu.






### Eqqaamasassat

Oqaluttualiaq najoqqutaralugu atuartitsinermi atortut kisiisa eqqartorneqarneq ajorput – pinngortinneqartarput. Taamaattumik atortussanik atornikunik pissarsiormi ikiuinissarsi pisariaqartipparput. Atuaqatigiinni sapinngisamik atornikut ataani allassimasut katersorneqassapput.

- Manniit puukui
- Qillertuusat
- Illerfiusat (æsker)
- Immuit puukui
- Simikut/(propper)
- Orpiit
- Ujaqqat
- Nuersagassat sinnikui
- Attatit
- \* Poortuutit /puussiat/ puussat atoqqissinnaasut
- \* Yoghurtit puukui
  - \* Korkpropper
- \* Aviisit
- \* Pappilissat qeratasuut(pap)
- \* Ikitsisit puui
- \* Sikut qisuttai (ispinde)
- \* Bølgepap
- \* Skuunut puukut

### Inussiarnersumik



## Harry Potter sammillugu Silarsuaq tupinnartoq sananeqassaaq (Pisoq siulleq)

Storyline	Apeqqutit pingaarnerit	Pisussat	Suleriaaseq	Atortussat	Suliaq/-at	Sulianut siunertaasinna asut
Silarsuaq tupinnartoq sananeqassaaq		Ilinniartitsisoq oqaluttuussaaq/atuffassissaaq	Atuaqatigiit ataatsimoortulik	-Ini nuannersagaq -Uppik -CD uppiup ni-paanik imalik -Uppiup allagaa siulleq		Tusarnaarneq Atuffanneqarneq
	Uppik suneqarsoraasiuk? Iml. uppiuk-mut susoqar-parnita?	Meeqqat oqallisapput siunnersuorlutillu, ilinniartitsisullu katersussavai.	Suleqatigiit 3 iml. 4	Flipover	Uppimmut pisimasuusinnaasunik allattuiffiiorneq	"Nutaamik" eqqarsariarneq nassuiaasinnaanerlu. Oqallinneq oqaluttuaq pillugu.
	Uppiup najugaqarfia qanormita isikkoqarpa?	Meeqqat uppimmut takussutissanngortissavaat silarsuup tupinnartup qanoq inneranik ukulu allatussavaat: Hogwarts, Diagonalstræde, Hagrids hytte il.il. Silarsuaq tupinnartoq sananeqassaaq.	Gruppiikuutaarluni	Kartonit, æskit, karsikut, sinni kullu allat, limmi, qiuitit modelliortormulle tugassat allat	Tupinnartut allatorsimaffii assiginnngitsut. Piffiit modellii assiginnngitsut.	Ilisimasanik uteqqineq, piareersarneq, oqaatsinik ilinniarneq, suleqatigii mneq, ajornartorsiutinik aaqineq, modelinik snaneq, takutitsineq oqaluttuarnerlu.
	Qanoq iilluni silarsuaq Tupinnartumut isertoqarsinnaava?	Meeqqat siunnersuusiusapput allatomeqarlutillu. Taallioortoqarsinnaavoq. Siunnersuutit takussutissarineqassapput modelliorlutik, titartaallutik il.il saqummiunneqarlutillu.	Atuaqatigiit	Pappilissat, qalipaati, atorukullu	Perron 9 3/4 piffillu angalaffissat tupinnartut allat	





### Kopiark 2 – Uppiup allagaa 1

Ilissinnit ikioqqullunga allaffigaassi.

Qanittumi iterpunga orpippassuup naqqani niaqunngoqalunga niaqqukkullu pullatsitsillunga. Tassani nalarusaartillunga qimerloorujoortillungalu takulerpara terianniaq tunginnukartoq. Tuaviortumik tingeriaraluarpunga paasillugulu ajornakusoortoq. Suluma illua pillutsissimavara tingerpiarsinnaangalu. Kigaatsumik pikkorliorlungalu orpimmuut qaninnermut pivunga taamaalillungalu teriannissap ullaakkorsiutiginnitsoorlunga. Uppik tingerpiarsinnaangitsoq assigiinnangajappaa uppik toqungasoq. Sapaatillu akunnerit tulluuttut sulora pillunnikoq paaraara tingillattaarlunga ullup qeqqanullu siningaatsiartarlunga. Qanoq uannut pisoqarsimanera assut eqqumiigaara. Sooruna orpippassuup naqqanut pisimasunga niaqqukkullu pullatsitsillunga suloralu pillutsillugu? Akissummillu soqarani.

Ullut ilaanni sulora pullatsitsineralu aaqqippuut, angerlarusuummernerullu killippaanga. Tassangaannartumik, timmerujoortillunga, paasilerpara nalulluinnarlugu “angerlarsimaffik” sumiinnersoq. Taamaaginnangilarli, timmissat naapitakka siulliit aperigakkit angerlarsimaffiga sumiinnersoq oqaluttuussinnaangilakkaluunnit kinaassutsinnik kikkunnullu atassuteqartuunerlunga. Inuuninnik puigugarpassuit. Eqqaamasakkalu ikittuinnaapput.

Eqqaamavara illussaarsuarmi najugaqarlunga, tassanilu nuannersorpassuarnik tissinartunillu pisoqartartoq. Ilai sanigutinik timmisut, amerlasuut qernertunik qanganisarpasittunik atisallit allallu ajaappissanik eqqumiitsunik tigummisut. Orpippassuaqarporlu ajunngitsunik ajortunillu uumasulinnik. Taavalu uagut uppiit. Nunarsuarmi allanik suliassaqaangikkaangatta uppeqarfimmi najugaqartarpugut. Illussaarsuarmi najugaqarportaaq nukappiaraq ikilik, ikialu qaavani (pande) ippoq allaannginnamilu innaallanneq. Tassa taassumap aallartippaanga. Ila nalussanngikkaluarakku sumi angerlarsimaffeqarnerlunga.

Immaqa meeqqat ilissinnguit ikiorsinnagissinga. Pisariaqartippara angerlarsimaffima assitaanik/takussutissartaanik takussallunga tusarusussallugulu angerlarsimaffiga qanoq ittuuneranik. Nalunngilara ilissi meeqqat pikkorittorujussuususi assigiinngitsorpassuarnillu ilisimasaqartusi. Immaqa uanga pillunga ilisimasaqartusi?

Neriullunga ikiorsinnaassagissinga? Qujareerlunga  
Inussiarnersumik – Uppik puigugarpassuaqalersimasoq